

¡BOMBA!

No hay que encender las alarmas por arancel al acero, así Trump quita el dinero a su industria de las armas



K'untzil

Martes 11 de febrero de 2025

CAMPECHE · YUCATÁN · QUINTANA ROO · AÑO 10 · NÚMERO 2415 · www.lajornadamaya.mx

Tselk'aj tu'ux k'óom taam jump'éel bus tu noj lu'umil Guatemala; 55 máak k'íimij



Ap / p 30
Oochel Reuters

Tu píik'sáastalil le lunes máanika', jump'éel bus táan ka'ach u biinsik máake', tselk'aj tu taamil tu'ux k'óom taam. Le beetike', jk'íim 55 máako'ob, ichilo'obe' yaan paalal, beey úuchik u ya'alal tumen jtup k'áak'o'ob.

Ministerio Público tu jets'aje' jach te'el tu'ux úuch le loobilajo', xoka'ab 53 u p'éel wiinkilalo'ob. U kúuchil ts'akyaj San Juan de Diosé', tu ya'alaj ka'atúul máak k'ujsa'ab ka'ache' jk'íim xan.

Jtup k'áako'obe' tu ya'alajo'ob yanchaj máak to'ok ichil u xiixel le buuso'. Jala'acho'obe' tu je'ajob jump'éel kúuchil ti'al u líik'sa'al kimeno'ob chéen tu súutukil táan u yúuchul le ba'alo', ti' jump'éel chan kajtalil naats' te'el tu'ux úuch le loobilajo'.

Jtup k'áako'obe' tu ya'alo'ob buuse' walk'aj ka'alikil táan ka'ach u máan ti' jump'éel puente, ts'o'oke' kex chúumuk ti' leti'e' búul tu boox ja'il jump'éel río, ba'ale' tu jo'olaj

a'alab tumen jo'olpóope', buse' jlúub úuchik u aktáantikubáaj yéetel uláak' kisbuuts'o'ob. Te'el kúuchilo', jtup k'áak' Carlos Hernándezé' tu ya'alaj ichile' na'akan xoknáalo'ob yéetel máako'ob ku bino'ob meyaj te'el noj kaajo'.

Tu cámarasil le kaajo' ku béeytal u yila'al bix u chich máan bus tak kéen u jéenant ka'ap'éel kis buuts', ku ts'o'okole', ma' chíika'an te'el cámaraso', ku lúubul tu'ux k'óom taam.

U jk'a'aytajil Bomberos Voluntarios, Óscar Sánchez, tu ya'alaj buse' luk' tu kaajil El Progreso, tu lak'inil noj lu'um, ti'al u bin ka'ach tu noj kaajil lu'um. "Kex 35 metros u ka'analil tu'ux lúubij", tu ya'alaj.

Instituto Nacional de Ciencias Forenses ts'o'ok u jets'ik 23 ti' le máako'ob k'íimij. Beyxan tu ya'alaje' u wiinkilal piloto yéetel máax áantik ka'achij yaan u túuxta'al morgue ti'al u yila'al jach bix yaniko'ob ka'aj úuch le loobilajo'.